

**FRAMKVÆMDARREGLUGERÐ FRAMKVÆMDASTJÓRNARINNAR (ESB)
nr. 246/2013**

2013/EES/46/24

frá 19. mars 2013

**um breytingu á reglugerð (ESB) nr. 185/2010 að því er varðar skimun vökva, úðafna og gels á
flugvöllum í Evrópusambandinu (*)**

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 300/2008 frá 11. mars 2008 um sameiginlegar reglur um flugvernd í almenningssflugi og um niðurfellingu reglugerðar (EB) nr. 2320/2002 ⁽¹⁾, einkum 2. mgr. 4. gr.,

og að teknu tilliti til eftirfarandi:

- 1) Í samræmi við 3. mgr. 4. gr. reglugerðar (EB) nr. 300/2008 skal framkvæmdastjórnin samþykkja nákvæmar ráðstafanir um framkvæmd sameiginlegra grunnkrafta um flugvernd í almenningssflugi, sem mælt er fyrir um í I. viðauka þeirrar reglugerðar.
- 2) Í reglugerð framkvæmdastjórnarinnar (EB) nr. 272/2009⁽²⁾ um viðbætur við sameiginlegar grunnkröfur um flugvernd í almenningssflugi, með áorðnum breytingum, er mælt fyrir um aðferðir, þ.m.t. tækni til að greina sprengiefni í fljótandi formi, með hliðsjón af því að heimila að vökvi, úðafni og gel séu höfð meðferðis inn á haftasvæði flugverndar og um borð í loftfar.
- 3) Framkvæmdastjórnin getur, á grundvelli skýrslu ⁽³⁾ framkvæmdastjórnarinnar til Evrópuþingsins og ráðsins um mat á stöðunni, að því er varðar öryggisskimun vökva, úðafna og gels á flugvöllum í Evrópusambandinu og að teknu sérstöku tilliti til virkni búnaðar og tillitssemi við farþega, lagt fram tillögur um endurskoðun. Framkvæmdastjórnin telur viðeigandi að innleiða skyldubundna skimun fyrir sprengiefnum í fljótandi formi á flugvöllum og skimun vökva, úðafna og gels, sem keypt eru á flugvöllum eða um borð í loftfarinu og sem er komið fyrir í poka með innsigli sem sýnir hvort átt hafi verið við hann, sem og skimun vökva, úðafna og gels, sem nota á í flugferðinni í læknisfræðilegum tilgangi eða vegna kröfu um sérfaði, þ.m.t. barnamatur.
- 4) Framkvæmdastjórnin einsetur sér að aflétta að fullu takmörkunum sem gilda um að hafa vökva, úðafni og gel meðferðis. Á grundvelli fenginnar reynslu á framkvæmd

skimunar frá janúar 2014, skal framkvæmdastjórnin endurskoða stöðuna í árslok 2014 og skilgreina, í nánú samstarfi við alla hlutaðeigandi aðila, næstu skref til að ná þessu markmiði, ef mögulegt er innan næstu tveggja ára frá því að fyrsta skrefið er tekið.

- 5) Framkvæmdastjórnin skal fylgjast náið með tækniþróun greiningarkerfa fyrir sprengiefni í fljótandi formi, með það í huga að veita flugvöllum e.t.v. leyfi í framtíðinni til að nota skimunarkerfi, sem geta skimað fyrir fleiri hættum (s.s. sprengiefni í föstu og fljótandi formi), með skilvirkum hætti sem gerir jafnframt kleift að einfalda verklagið við skimun.
- 6) Því ber að breyta reglugerð framkvæmdastjórnarinnar (ESB) nr. 185/2010 frá 4. mars 2010 um ítarlegar ráðstafanir til að framfylgja sameiginlegum grunnkröfum um flugvernd ⁽⁴⁾ til samræmis við það.
- 7) Ráðstafanirnar, sem kveðið er á um í þessari reglugerð, eru í samræmi við álit nefndarinnar um flugvernd í almenningssflugi.

SAMÞYKKT REGLUGERÐ ÞESSA:

1. gr.

Viðaukanum við reglugerð (ESB) nr. 185/2010 er breytt eins og fram kemur í viðaukanum við þessa reglugerð.

2. gr.

Eigi síðar en 30. júní 2013 skulu flugvellir, eða sú eining sem ber ábyrgð á skimun, gefa hlutaðeigandi yfirvöldum skýrslu um stöðuna á framkvæmd reglnanna um innleiðingu og notkun vökvaskimunarbúnaðar. Aðildarríkin skulu, eigi síðar en 1. september 2013, tilkynna framkvæmdastjórninni um það.

3. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Ákvæði 2. liðar í viðaukanum gildir frá 31. janúar 2014.

(*) Þessi EB-gerð birtist í Stjtið. ESB L 77, 20.3.2013, bls. 8. Hennar var getið í ákvörðun sameiginlegu EES-nefndarinnar nr. 145/2013 frá 15. júlí 2013 um breytingu á XIII. viðauka (Flutningastarfsemi) við EES-samninginn, biður birtingar.

⁽¹⁾ Stjtið. ESB L 97, 9.4.2008, bls. 72.

⁽²⁾ Stjtið. ESB L 91, 3.4.2009, bls. 7.

⁽³⁾ COM(2012) 404, 18.7.2012, hefur ekki verið birt.

⁽⁴⁾ Stjtið. ESB L 55, 5.3.2010, bls. 1.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 19. mars 2013.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

1. Viðaukanum við reglugerð (ESB) nr. 185/2010 er breytt sem hér segir:

a) Eftirfarandi c-liður bætist við í lið 4.0.4 í 4. kafla:

„c) „búnaður til greiningar sprengiefnis í fljótandi formi (LEDS)“: búnaður sem getur greint hættuleg efni og uppfyllir ákvæðin í lið 12.7 í viðaukanum við ákvörðun framkvæmdastjórnarinnar C (2010) 774.“

b) Í stað g-liðar í lið 4.1.3.4 í 4. kafla komi eftirfarandi:

„g) er keypt á flugvelli, sem staðsettur er í þriðja landi, sem skráð er í fylgiskjali 4-D, að því tilskildu að vökvanum, úðaefninu eða gelinu sé komið fyrir í poka með innsigli sem sýnir hvort átt hafi verið við hann og í pokanum sé fullnægjandi sönnun þess efnis að vökvinn, úðaefnið eða gelið hafi verið keypt á flugsvæði viðkomandi flugvallar innan 36 klukkustunda. Veita má undanþágur frá þessum lið, í síðasta lagi til 30. janúar 2014.“

c) Í 4. kafla falli brott liðirnir 4.1.3.1 og 4.1.3.2.

d) Í stað liðar 12.7.1.1 í 12. kafla komi eftirfarandi:

„12.7.1.1 Búnaður til greiningar sprengiefnis í fljótandi formi skal geta greint og gefið það til kynna með viðvörðunarkerki ef tilgreint magn af hættulegum efnum er til staðar í vökvanum, úðaefninu og gelinu eða ef þau eru til staðar í meira magni.“

e) Í stað liðar 12.7.2 í 12. kafla komi eftirfarandi:

„12.7.2. Staðlar fyrir búnað til greiningar sprengiefnis í fljótandi formi (LEDS)

12.7.2.1. Þrír staðlar skulu gilda fyrir búnað til greiningar sprengiefnis í fljótandi formi. Mælt er fyrir um ítarlegar kröfur fyrir þessa staðla í sérstakri ákvörðun framkvæmdastjórnarinnar.

12.7.2.2. Allur búnaður til greiningar sprengiefnis í fljótandi formi skal uppfylla staðal 1.

Heimilt er að nota búnað til greiningar sprengiefnis í fljótandi formi, sem uppfyllir staðal 1, í síðasta lagi til 30. janúar 2016.

12.7.2.3. Staðall 2 gildir um hvers konar búnað til greiningar sprengiefnis í fljótandi formi, sem settur er upp frá og með þeim degi sem þessi reglugerð öðlast gildi.

Hvers konar búnaður til greiningar sprengiefnis í fljótandi formi skal uppfylla staðal 2, í síðasta lagi frá 31. janúar 2016.

2. Frá og með 31. janúar 2014 er viðaukanum við reglugerð (ESB) nr. 185/2010 breytt sem hér segir:

a) Í stað liðar 4.1.2.2 í 4. kafla komi eftirfarandi:

„4.1.2.2. Við komu á haftasvæði flugverndar skal viðeigandi eining á öllum flugvöllum, skima a.m.k. vökva, úðaefni og gel, sem keypt eru á flugvelli eða um borð í loftfari og komið hefur verið fyrir í poka með innsigli sem sýnir hvort átt hafi verið við hann, þar sem í pokanum er að finna fullnægjandi sönnun þess efnis að vökvinn, úðaefnið eða gelið hafi verið keypt á flugsvæði flugvallar eða um borð í loftfari, sem og vökva, úðaefni og gel, sem nota á í ferðinni í læknisfræðilegum tilgangi eða vegna kröfu um sérþæði, þ.m.t. barnamatur.

Vökvar, úðaefni og gel skulu fjarlægð úr handfangri áður en skimun fer fram og þau skimuð sérstaklega, aðskilin frá öðrum hlutum í handfangri, nema búnaðurinn, sem notaður er við skimun handfangangs, geti einnig skimað mörg, lokuð ílát, sem innihalda vökva, úðaefni og gel, sem eru í farangri.

Þegar vökvar, úðaefni og gel hafa verið fjarlægð úr handfangri skal farþeginn afhenda:

a) allan vökva, úðaefni og gel í aðskildum ílátum sem rúma að hámarki 100 ml, eða sambærilegt, í gagnsæjum, endurlokanlegum plastpoka sem rúmar að hámarki einn lítra þannig að nægilegt rými sé fyrir innihald plastpokans og hægt sé að loka pokanum tryggilega og

b) allan annan vökva, úðaefni og gel, þ.m.t. poka með innsigli sem sýnir hvort átt hafi verið við hann, sem innihalda vökva, úðaefni og gel.

Hlutaðeigandi yfirvöld, flugrekendur og flugvellir skulu veita farþegum viðeigandi upplýsingar í tengslum við skimun vökva, úðaefna og gels á flugvöllum sínum.“

- b) Í stað liðar 4.1.3 í 4. kafla komi eftirfarandi:
- „4.1.3. Skimun vökva, úðafna og gels
- 4.1.3.1. Vökvi, úðafni og gel, sem farþegar hafa meðferðis, eru undanþegin skimun með búnaði til greiningar sprengiefnis í fljótandi formi, við komu inn á haftasvæði flugverndar:
- a) ef vökvinn, úðafnið og gelið er í aðskildum ílátum sem rúma að hámarki 100 ml, eða sambærilegt, í gagnsægjum, endurlokanlegum plastpoka sem rúmar að hámarki einn lítra þannig að nægilegt rými sé fyrir innihald plastpokans og hægt sé að loka pokanum tryggilega eða
 - b) ef vökvanum, úðafninu og gelinu er komið fyrir í sérstökum poka með innsigli sem sýnir hvort átt hafi verið við hann, þegar þau eru keypt á flugsvæði viðkomandi flugvallar,
 - c) ef vökvinn, úðafnið og gelið, sem eru í poka með innsigli sem sýnir hvort átt hafi verið við hann, eru upprunnin frá öðrum flugvelli í Evrópusambandinu eða frá loftfari flugrekanda í Evrópusambandinu þar sem þau hafa verið endurlökuð í sérstakan poka með innsigli sem sýnir hvort átt hafi verið við hann, áður en farið er með vökvann, úðafnið og gelið frá haftasvæði flugverndar á flugvelli,
 - d) ef vökvinn, úðafnið og gelið eru skimuð á flugsvæði með búnaði til greiningar sprengiefnis í fljótandi formi og síðan komið fyrir í sérstökum poka með innsigli sem sýnir hvort átt hafi verið við hann.
- Undanþágurnar, sem um getur í c- og d-lið, falla úr gildi 31. desember 2015.
- 4.1.3.2. Sérstakir pokar með innsigli sem sýna hvort átt hafi verið við þá, sem um getur í b- til d-lið í lið 4.1.3.1, skulu:
- a) vera pokar með innsigli sem sýnir hvort átt hafi verið við þá og auðkenndir viðkomandi flugvelli,
 - b) innihalda sönnun þess efnis að kaupin hafi átt sér stað eða vökvanum, úðafninu og gelinu endurlokað í sérstakan poka með innsigli á viðkomandi flugvelli innan síðustu þriggja klukkustunda,
 - c) falla undir viðbótarákvæðin sem mælt er fyrir um í sérstakri ákvörðun framkvæmdastjórnarinnar.
- 4.1.3.3. Skimun vökva, úðafna og gels skal einnig falla undir viðbótarákvæðin sem mælt er fyrir um í sérstakri ákvörðun framkvæmdastjórnarinnar.“
- c) Ákvæði fylgiskjals 4-D falli brott.
-